

主編 黃靈庚 陶誠華

上海古籍出版社

金華宗譜文獻集成

1

主編 黃靈庚 陶誠華

上海古籍出版社

金華宗譜文獻集成

1

圖書在版編目(CIP)數據

金華宗譜文獻集成 / 黃靈庚, 陶誠華主編. — 上海:
上海古籍出版社, 2013. 10
ISBN 978-7-5325-5194-1

I. ①金… II. ①黃… ②陶… III. ①氏族譜系—文
獻—匯編—金華市 IV. ①K820.9

中國版本圖書館 CIP 數據核字(2013)第 248386 號

ISBN 978-7-5325-5194-1



金華宗譜文獻集成

(全二十冊)

黃靈庚 陶誠華 主編

上海世紀出版股份有限公司
上海古籍出版社 出版

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji1@guji.com.cn

(3) 易文網網址: www.ewen.cc

上海世紀出版股份有限公司發行中心發行經銷

浙江新華數碼印務有限公司印刷

開本 787×1092 1/16 印張 889.25 插頁 139

2013 年 10 月第 1 版 2013 年 10 月第 1 次印刷

ISBN 978-7-5325-5194-1

Z·432 精裝定價: 8800.00 元

如有質量問題,請與承印公司聯繫

出版說明

在我國古代，官方民間向來都有修史的優良傳統，國有國史，地有方誌，家有宗譜，它們共同構建了中華民族悠久、燦爛的歷史。國之正史早已被悉數整理出版，方誌近幾年也在陸續重印，唯有宗譜仍是一塊有待開墾的處女地。宗譜除了記載某一家族之譜系，還收錄有大量珍貴文獻，對於研究某一家族、某一地區乃至某一時代的歷史、人文、風俗等，都有較大的參考價值。今人不僅能從宗譜中看到一些正史中不經見的歷史細節，也能發現古人文集中一些未收的篇章，甚至還能覓得某些已經被認為佚失的資料。

金華地處浙江中部，古稱婺州，下轄金華、義烏、東陽、蘭谿、永康、浦江、武義、磐安八縣。其地文化底蘊深厚，特別是宋元以來，鴻儒輩出，人文蔚起，著述如林，影響中華文化甚巨。金華地區歷代重視修譜，往往一姓而有幾十修，且吸引了衆多文人學者的參與，故而保存了古代許多極為珍貴的文獻。然宗譜歷經兵燹、水火、鼠蠹等破壞，損毀無數，有幸留存下來的，除各地圖書館有數量不等的收藏外，大多散落於偏僻鄉鎮、山村野寨，為私家所秘藏，收羅極為困難。《金華宗譜文獻集

成》的編纂，由浙江師範大學江南文化研究中心黃靈庚教授發起，由金華市委宣傳部給予有力的支持，協調金華、義烏、東陽、蘭谿、永康、浦江、武義、磐安八地宣傳部具體負責當地宗譜的收集、編選工作。通過多年辛勤尋訪，共收集到宗譜四百九十餘種，並從中輯錄名人序跋、碑記、祭文、行狀、銘贊、傳記、實錄、筆記、詩文等數萬篇，內容極為豐贍，許多資料不見於他處，相信一定能為文史研究者提供新素材和新視野，以推動研究工作進一步走向深入。

本書原收入《重修金華叢書·三編》，今特推出單行本，以方便圖書館、研究機構以及普通讀者選購和使用。

上海古籍出版社

總目

第一冊

金華宗譜一

第二冊

金華宗譜二

第三冊

金華宗譜三

第四冊

義烏宗譜一

第五冊

義烏宗譜二

第六冊

東陽宗譜一

第七冊

東陽宗譜二

第八冊

東陽宗譜三

第九冊

東陽宗譜四

第十冊

東陽宗譜五

第十一冊

東陽宗譜六

第十二冊

蘭谿宗譜一

第十三冊

蘭谿宗譜二

第十四冊

永康宗譜一

第十五册

永康宗譜二

第十六册

浦江宗譜一

第十七册

浦江宗譜二

第十八册

浦江宗譜三

第十九册

武義宗譜

第二十册

磐安宗譜

目錄

金華宗譜文獻集成（金華宗譜一） 婺城區委金東區委宣傳部編

張根芳輯

曹

一

金華協和曹氏宗譜

一

陳

八七

北溪陳氏宗譜

八七

程

一五一

湯塘程氏宗譜

一五一

杜

一六一

平山杜氏宗譜

一六一

范

二一九

栗堂范氏宗譜

二一九

魯陽厚大范氏宗譜

二五四

方

二八七

固塘方氏宗譜

二八七

九龍塘方氏宗譜

三一九

方山嶺方氏宗譜

三四〇

孝川方氏宗譜

三六三

豐

四五七

黃堂豐氏宗譜

四五七

傅

五二五

東山傅氏宗譜

五二五

曹

金華協和曹氏宗譜

曹氏世系序

鄆州曹君哲字明翁官朝奉大夫致政家居惓惓以收宗合族爲念一日偕其弟持所修族譜一帙乞序於予予讀之獲知曹氏來裔之遠世澤之厚也按曹之先祖顓頊孫陸終子以國爲氏又周文王子振鐸封曹爲曹叔亦以國氏之迨漢初曹參官相國封平陽侯生二子曰球曰鍾越數傳名訓官長安令世居扶風則今曹氏鼻祖也訓生世叔乃曹大家之夫班固之妹丈叔傳積積傳褒任博士遷居鄆州之魯仲子諱操字孟德爲漢丞相子植字子建才學過人詩擅天下厥孫罔者累官德州牧再數傳名志仕晉爲祭酒既卒子孫又由譙而復居鄆州長子名據爲滕舍部將幼子名攄知亂不仕據孫諱景宗字顯祖復徙於楊州仕魏拜討虜大都督因功封魏國公卒謚武肅越數傳名元裕者仕唐任招討使大破黃仙芝於黃梅子三人咸登仕籍而次子晃仕大僕少卿尤知名今之衢婺睦皆其後晃次子光遠字德威仕吳越錢氏爲楊州司錄避亂徙居金華生子俸官太子洗馬少子光達生彬字國華仕宋初爲行營前軍司馬後伐蜀又拜樞密使至宋太宗時又拜都巡檢生子二女一伯曰璨官大將軍仲曰瑋亦官將軍女爲仁宗皇后明翁承祖宗之貴盛觀族屬之

遷移懼夫歲久族繁支派無稽因舊譜所遺會合衢婺之派重加訂正遡源流系世次述其履歷行實之詳記其遷徙卒葬之地而凡祖宗所遺之誥敕名公之翰墨與夫銘傳遺文祖先遺像叙爲一譜集演成帙以爲世守誠可謂存心之仁用意之密垂裕之善者矣爲之後者果能體其心大其業以衍以翼則斯譜也傳之無窮可矣是爲序宋嘉祐元年丙申夏五月五日翰林學士前館閣校勘歐陽修序

首創曹氏宗譜序

緬惟吾婺之曹氏自司錄光遠公由東平來遷奕世簪纓其族殷盛矣至南渡時兵寇流離譜牒散逸迄今逾五服之外尚有不能別識者矧夫服盡情疎數十葉後邈不相即其不以一人之身散而視之如途人乎今司錄六世孫迪功郎永嘉判簿服乃原其世次翔爲宗譜就緒將梓以予故交持以質予曰此可以傳乎如以爲可傳也請贊以一言予曰譜牒一家之言也而有關於史氏則世教之所係也是傳固其所也若人注意於此何遠弗宏而垂世裕後道莫大焉嘗觀陶淵明與其少君長沙公書曰人易世疎已爲途人論者謂長沙失尊祖之義殆起於譜牒之廢也敦尚族誼不肇於始之作者歟抑觀歐陽文忠公鑒古創譜自叙稱其吉州刺史琮能捍黃巢亂以安州保障雖止於一州遺澤之衣被生靈千萬其家陰隲在人則歐陽傳世之久良有以也推是有感於昔者曹參佐漢定天下爲一代宗臣聲施後世慶流苗裔等而下之曹彬之佐我宋取江南不妄戮一人是二曹公者一除秦虐以救世一布仁德以不殺較之歐陽氏之陰隲不居多耶況其本支祖司錄播惠政於楊州洗馬著文德於

楚府宜乎不數傳而雲仍奕葉後先相輝也然自唐同光以至元豐間其聞人可知自洗馬公俸四子歡慶達道達子三宥郁隨郁之子曰洧隨之子曰全曰介洧之子三靖服溥全之子三昉謂膺介之子二韶青服溥各迪功郎世系之統豈僅止於斯已哉毋乃缺其疑而傳其信見所見而聞所聞乎嗚呼往者不可復追後之來者引長勿替不有望於今日之纂述乎顧予朽邁久蕪筆硯勿克發揮其所請也姑以是而著夫簡端宋嘉泰甲子之一日穀旦進士授彬州教授累遷國子博士出知台州袁州鄉人少白戚如境序

題家譜

吾族始祖光遠公五季末由東平遷婺之金華鄉長塘里避世陶情尋仕吳越任楊州司錄太平興國三年吳越錢王以地來歸始祖同往卒於道二世祖倬公仕太子洗馬護柩南旋葬於長塘里遂籍爲金華人迄今世歷有七而內外百餘人亦頗庶矣若不邇本窮源肇牘譜牒將敬宗收族之謂何爰就祖遺書笥中宦迹系次列爲譜原并歷世嫁娶墓田與夫行畧遺文錄成一冊名曰金華曹氏宗譜非敢媲美歐蘇不過遺之子孫異日重修藉有依據耳宋嘉泰甲子春正月之吉六世孫服謹識

重修曹氏家乘序

粵昔盛時譜牒皆出於史氏姓有苑官家有譜氏族有誌朝廷之流品士大夫之婚姻率於是焉考後世譜學廢失百氏蕩析冠裳興隸之流紊然莫之區別若劉漢之劉混殷奉春李唐之李淪胥沙陀雖

以百氏家世本圖諸書卒無可明君子憂之此譜之所由作也金華曹氏自楊州司錄光遠始至十二世孫奕好古循理博學而邃於文間嘗自謂所受之氏三顓頊元孫陸終爲曹氏周文王十三子振鐸封曹亦爲曹氏陸終後漫無可覘世稱曹氏多從振鐸後然上世遠而無徵不可傳信邇則有楊州司錄諱光遠者避五季亂由東平徙婺之金華鄉遂家焉嗣子倬爲宋太子洗馬傳至六世有曰溥者仕迪功郎曰韶者吉州助教歷七世則高宗南渡時矣淵明贈朝請大夫德明仕預漕節屬終武功郎俊明授將仕郎而佃補將仕郎八世若緯朝奉大夫若綸贈武顯郎若宗蔚授迪功郎若大年仕福州倅傳至九世武節郎曰旦承信郎曰昇武經郎曰昌縣尉曰準授通直郎曰齋曰莊者由國子學生登嘉熙戊戌進士除武學教諭歷官太學博士太常丞秘書丞加贈正奉大夫馴至十世諱大年爲承節郎諱肅爲承信郎諱森字茂承國子博士登淳祐庚戌進士諱鏞登淳祐丁未進士加贈光祿大夫諱良能仕閩縣丞第十一世諱尚愚紹興路直學轉說書續充經師職事及至於奕則十有二世矣是時其宗兄和孫號可竹者亦出仕作教衣冠相望簪組世承曹姓娶之鉅宗使其譜牒散逸令後世無所考天下無所傳非所以彰盛美昭來許也奕於是聘鄉友葉曲全謹翁氏訂舊牒記存歿核世系詳宗派考行跡輯遺文碑銘表誌傳贊詩狀之類其幸存者悉加甄拾仍爲世宦世德二傳冠諸牒以補其散失者分爲二卷合爲一編燦然畢舉釐然有辨可以承繼前修垂訓後昆奕之用心勤矣哉書成以余雅善曲全丐序簡端余觀覽卒業重其世德尤羨其世宦不惜繁贅播揚序中嗟夫世克追祖聯族纂輯譜牒不忘根本者曾有幾人觀是

編也有質有文不涉浮冗班班乎故家文獻有以映照人目豈直水本本源知其所自子姓支派統有所歸已耶可以正人倫可以厚風俗可以敦教化觀斯譜而孝弟生意不覺油然而興起者然則是編之作豈小補云乎哉書曰公卿子孫後世必有貴顯者予於是乎亦云元至正甲申蕤賓翰林侍制柳貫序

重輯宗譜序

吾族自六世伯祖服府君於宋嘉泰甲子始創譜牒迄今又六世矣支派散殊藝文廢逸蓋譜之失輯也久矣由是督各支子弟以七世祖所輯之餘於人之未收者收之文之未入者入之生卒嫁娶居世墓田之未編者編之增入凡例七條分爲上下二卷名之曰金華曹氏宗譜雖未足匹於史誌庶祖宗之遺緒不忘大宗小宗不紊見之者孝弟之心油然而生噫是舉也堪爲六世伯祖服府君之繼起者矣元至正甲申二月望日十二世孫奕謹書

三修協和曹氏家乘序

創制立法禮備樂和莫盛於周故當時一國猷一族一里猶一家矧同姓之人乎而猶恐其未至也爰立大宗小宗之法以維持之所以統宗族辨婚姻明人倫歷百世繩繩相續豈非治之得其道統之有其方乎自周道衰人立柄鑿家築宮牆各務其私以致攘奪猶幸譜牒之法稍存然於氏族往往有私意妄改至有紛亂變錯之失由是以字訛姓者邪呼邪以聲訛姓者號呼奚京房則更其姓凝之則冒其姓崇輅則附其姓紛紛藉藉恬不爲怪人心不古何若是甚哉予

竊究其所由來遠矣祖別而爲禰禰別而爲從從別而倍蓰焉斯其雜而舛矣然祈而求之氏族孰非古帝王盛德之流耶支既分矣世寢遠矣盛衰隱顯之迹萬不齊矣死生患難慶弔相恤之禮不能以相及矣同姓之親殆如途人是以奕葉相承愈久愈疏其能識祖者幾何人哉金華協和世家曹氏子曰校曰華其知此矣蓋其家係居浦陽之道予宰浦陽至郡無不舍止焉締交且厚校與華言於予曰某等所居去縣治三十里奇地以協和名其先自五代後諱光遠字德威因兵燹避地金華歷七世將仕郎諱俊明厥孫諱綜又徙拱坦不數世曰志者又遷協和即今之居是已向嘗搜羅同姓除在城香溪外散處隣邑者殆多若蘭谿之板橋湯溪之白沙武川之短村皆吾祖先光遠所分也五百年來其間或隱或仕代有可稱故不遠引妄認竟以司錄公爲始祖第自至正甲申修輯之後歷更世代子姓頗蕃其間字諱或同行次或乖遺文或散安在乎表功親族也於是鑒前修之小失啟後世之遺規訛者正之漏者補之凡上世遺文之散逸者搜訪而歸之譜系行實縷析條分誌狀贊文笏計鞭算校與華精神心術具於是矣幸父母大人借重一言以首諸簡時在座者慈谿周文浩近同主人偕輯是編同聲以祈義不容諉乃熟玩而閱歷焉從今振古確有原委蟬聯乎奕葉爭光炳耀乎遺文相映夫以兵火相仍文獻不足之餘而曹氏譜牒猶有可徵如此可謂賢子孫矣矧今故家大族惟務生業而於氏族源流門第序族之義在在因循而苟簡烏尚輯譜爲哉茲校與華亦舉世之僅見者也不賢而能之乎予嘗念吾鼻祖鄒文忠公而有志於譜事興言及此其不有感也夫其不有取於曹氏也夫明正德十年乙亥冬十月之吉賜進士出

身文林郎知浦江縣事昆陵鄒輓敏行序

三輯宗譜序

校家自始祖光遠公始籍金華世歷二代爲江南望宗今六百有餘載矣而譜牒始輯於宋之嘉泰甲子六世伯祖服公再輯於元之至正甲申十二世祖奕公三輯於校之先君遇公未就緒而卒迄今後輩人繁歲增什伯而所致文目歲亦如之由是敬承先志偕弟華興三輯之舉而與諸子弟議之咸曰可故督各支子弟分門搜索增輯之彌月而告成敬閱而喜曰是可以昭後世矣故書此以記歲月明正德十年乙亥冬十月之吉十八世孫校華同謹誌

四修協和曹氏宗譜序

隆慶三年己巳四明馮子屈金華之協和與曹氏諸君子譚道玉壺山麓一日曹氏諸君子既其宗長揖予而言曰人之有祖宗猶水木之有本源沿末溯本自流窮源故立廟以反始譜牒以聯情孝之所自盡也曹之受姓分氏由來遠矣乃若曹氏始祖曰楊州司錄光遠府君來自鄆州其子太子洗馬俸府君弗克北還遂寓金華鄉長塘里而居焉嗣是遷徙不一布列婺郡至八世綜府君始居拱坦十三世府君志又自拱坦徙協和其間譜牒代能修輯正德戊寅延周子洪重修逮今世遠事繁數十年生卒嫁娶及賢達出處沿革之迹不容視其湮沒敢乞君爲吾宗秉筆馮子辭勿克諾而謂之曰諸君子知先民作譜伊始乎夫譜以記姓氏因生氏姓其統會氏其脈絡也故堯陶姓也後封於唐而爲唐氏舜姚姓也後封於虞而爲虞氏

太伯之後爲吳胡公之後爲陳此以國爲氏也傳說築傅巖而爲傅氏東蒙主東蒙山而爲蒙氏此以地爲氏也氏以室者曰里曰居曰北宮曰南宮氏以木者曰李曰桂曰子桑氏以物者曰龍曰熊氏以此者曰孟孫曰叔孫曰季孫氏以官者曰左史曰右史氏以職者曰倉庫氏以吉德者曰冬日曰老成至有以技爲氏者以族系爲氏者以爵謚爲氏者不能殫紀曹之得氏其本於國者乎在昔周官系世必屬之春官莫之小史司馬父子作史猶推見世系崇求世本叔季宗法罔傳生齒繁雜訛冒轉易其弊久矣宋歐蘇二氏立爲譜法不遺忘不矯強此後世之準繩也今之爲人作譜者吾惑焉或徇其好高之情則授擠粉飾附崇輶於子儀或逞其紹遠之私則遙考旁搜升蠻丹於槃瓠或泛作譜套以冒首而不察楊侯奔魏之見譏或僞作符璽以示誇而不審金章玉篆之難假將以誣人適以自誣不徒自誣且以誣天深可慨也予今爲曹氏作譜據事直書立例敷文曰世系圖曰宗派記曰恩遇傳曰宗行錄曰文學傳曰宅里錄曰卜兆錄曰藝文傳不虛美不易分不遺遠不阿近不諂富不卑貧至於宅里墳墓之居徙主附必詳載之防湮沒也間有采華光譜必書其人之請以著實也且於舊文之遺者頗爲之訂訛索晦不閱月而稿竣曹之諸君子咸拜而言曰予宗之家廟已新惟譜未輯古稱三世不修譜謂之不孝今得子其庶免矣敢忘如椽之筆乎因復請予述始終商確之辭以爲序明隆慶三年歲次己巳秋九月慈谿馮直卿撰

四修曹氏宗譜序

譜以明宗法辯世系慎同異別親疎故修輯譜牒繼述之大端也吾

家宗譜歷世修葺其來尚矣正德間伯父毅庵公從伯父樗齋公偕衆募修迄今五十餘載其間生卒行第嫁娶建置沿革出處之類頗有湮沒隆慶三禩燭與從兄焰昊炯暨宗賢達議曰氏族之傳不在乎世祿之誇榮而在乎世德之繼美蓋世祿之榮可倖而致而世德之美非孝子哲孫繩其祖武者不克也吾曹氏垂世二十餘代藉先人之休美子孫日以繁衍且詩禮相沿譜之不續後人之咎也緣是延慈谿龍川子馮直卿先生修故增新定其品式以垂永久曹氏子孫嗣斯意而纂承勿替雖千百世傳之可也明隆慶三年己巳冬十月十九世孫燭謹書

五修家譜序一

吾曹氏自肇周文王子振鐸封曹以國爲氏迨及相國參仕漢爲一世之自起傳至祖諱光遠府君時已二十八世矣原籍東平仕吳越爲楊州司錄避亂就居金華鄉長塘里此則爲今日曹氏之始祖也至宋端拱元年有祖諱慶府君捨住居爲上妙寺偕祖諱達與道徙居郡城其來也有自己故譜牒之修因之而始一修於嘉泰甲子重修於元至正甲甲焉乃若協和之派自八世祖諱綜府君者由郡城而遷拱坦至十三世祖諱志行智二府君者復自拱坦而遷協和按拱坦在坦溪之西協和在坦溪之東名雖有二其地甚邇也宣德丁未間會香溪合修至祖諱校與華及焰燭昊等府君督令子孫繼輯於正德乙亥隆慶己巳以其數考之統歷三朝計世二十然族屬遷徙不常而源流之會合如一譜牒之脩輯有數而支流之繁衍無窮迄今又二十八禩或重名或重行或錯落其弊相仍藩目擊之不勝

其慨乃敢捐己貲竭己力沿門清查者再三而收遺削亂易名改行昭穆名次生配卒葬務使一見洞然可傳永久於是始合爲帙請何光宇先生諱龍圖者集而成書分爲五卷雖不敢自謂修輯之詳抑亦可爲名次之正矣吾族嗣人苟能寶而藏之愛而護之更從而刊刻之以永其傳則庶幾藩之修不爲徒然也尚其懋哉明萬曆二十四年夏四月二十一世孫國藩頓首百拜識

五修宗譜序二

予省鄉承命南還與立卿甫兄遊婺赤松寓東岳宮眺望江山怡情樽俎時曹友輩亦與列予觀之皆彬彬青雲偉器也傾蓋如舊交情誼至厚譚論間因及華峰君修譜事予喟然嘆曰族譜之修難言矣非宏毅不能任其責非聰哲不能尋其源非公明不能勸善而懲惡非才學不能揚忠孝而表節義譜之不易修如是華峰君果宏毅乎對曰以素行剛方知之果聰哲乎對曰以秉心深淵知之果公明兼有才學乎又對曰以論列持正知之若是吾可與爾言矣夫木必有本水必有源矧巨族而獨無本源也者自本愈深源愈遠支派愈繁而譜牒不修或者歲時蜡社不相往來冠婚喪祭不相識別而卑抗尊小加大疎間親妾爲妻至亂其等而父子之分淆欺其孤而骨肉之恩薄取其貲而孝弟之行缺雜其處而統系之紀紊宜乎動華峰君之思而譜所由修也華峰君以岐黃妙術寵爲國醫翹然爲曹氏望以不匱之孝思發祖宗之潛德躬親考究勞苦靡辭捐資鳩工不數月而上遡始祖下及遠裔釐然具舉哀然成帙昭爲昭穆爲穆尊卑親疎長幼之次若別蒼素誠曹氏子孫中之翹然傑出者也不亦

善乎族譜既明族義自篤吾知必不卑抗尊而父子有親必不小加大而長幼有序必不妾凌妻而夫婦有別又安有欺孤以傷骨肉取資以缺孝弟雜處以紊宗統者哉盛族素以孝行傳家而益以此譜風之以厚道提躬而復以此譜飭之一族人心節義將冠浙東諸邑矣華峰君平生懿行予不及聞即此一舉將既往之行自是彰其美方來之善自是盛其傳膾炙遠近垂名永久又奚必別求哉予懷諸友之雅嘉華峰之孝而快覩曹氏英髦之挺出也於是乎言明萬曆丙申秋七月中旬賜進士翰林院編修承務郎慈邑馮有經正己甫撰

五修宗譜序三

道民落魄士也浪迹遍海內交多豪逸一日乘桴寶婺同廬年翁酣飲清風南顧長江水色映千層碧漢北眺大麓山光接萬仞雲霞唱然嘆曰美哉山川固東南鉅鎮也其間獨無鍾靈毓秀爲磊落士乎竊念之而恨未一覲也僑居嶽觀士大夫幸勿見外而曹氏諸君子尤荷傾蓋一朝偕諸君品隔英賢君聘等侃然曰若吾伯父華峰君素行有可述者曰若何彼云其秉性剛方憤奸宄之憑陵必鋤之予曰轟烈丈夫矣又云其存心仁厚憫困窮之不給必賑之予曰敦厚長者矣又云其桂蘭繁植紹竇武之芳而訓之予曰美哉步武螽斯矣又云其術善岐黃授太醫之職而官之予曰仁哉滿腔惻隱矣又述其所言曰六尺奉阿堵曷不師夷甫百年能幾時胡不效鴟夷於是遨遊山海泛跡烟霞予曰飄飄然有羽化之思乎又述其歸志曰人孰無故土胡不歸桑梓木落亦歸根奚不做淵明於是返棹故鄉

重親菊徑予曰陶陶然有尊鱸之想乎彼云猶未也吾家十數傳戶口千數計譜系未釐則名分倒稱者有之宗裔淆亂者有之其間崇經術者則搦管書室業畚事者則會計青蚨積挫成弊由來素矣我伯父則慨然捐己貲鳩工匠遡世源訂位次鋤非種節孝記之生卒記之居墓記之使數十年之譜牒昭昭乎日月者伯父之力也予憫然擊節曰有是哉世人爭銖兩之利至有疾視戈矛捨簞豆之微至有欣然德色公乃如是誠哉鐘長江秀色萃大麓靈光爲吾所願見之磊落士乎予胡不文之以誌不朽乃曹子則以不敏辭予曰辭達而已只此道述語可書也曹氏又請有以祝之予曰我何以祝公哉將以三善祝君已完其美將以令聞祝譜牒已著芳無已則願公從此解俗務踐清涂放捨六塵永皈三寶曰與閭黎鄉士結社東陵作老居士生涯異時慈雲甫散慧月方員公乃以此時作婆羅九品爲無尚菩提可也諸君子咸稱曰善哉公言謹當付之梓以爲曹氏光明萬曆丙申仲夏穀旦屠建初撰

五修宗譜序四

譜牒之重匪獨於古爲然也但創斯譜者固難而修斯譜者尤難何也曹氏之譜創之於宋嘉泰矣迄於元之至正修焉修於國朝之宣德矣迄於正德重修焉世代屢更而修輯之者三人則修輯者何難見也迨至隆慶己巳吾祖焰會同叔祖熠等敦請龍川馮君酌古準今而續脩之以開云後世此又非修輯之難再見於目擊者哉自是而後經今二十有八載生齒日繁有離而居者有創而居者星散各方其間能無名字之不重者乎能無行第之不錯者乎婚嫁生卒能

一一而盡紀之乎族內之人曾不識面者有之而欲昭穆不紊難矣有識者憂之而不圖修輯之難再見於今日也幸吾兄國藩躬行孝弟又善居室雖躬居湖菱之新塘而每念譜牒之有關風教喟然嘆曰譜牒之修重事也舉其重者畏難而不爲奉先思孝者如是乎於是遂告於宗族長遍及於子姓人等捐己貲請光宇何先生諱龍圖者司其事沿門查訪不辭遠涉雖風雨必往稍訪未實寤寐不忘必得其真而後已焉數月之內訛者正闕者補立爲規例冠諸卷首井井有章鑿鑿可據誠不刊之宗法也然楷書成帙盛而弗傳可乎復謀衆議分上中下隨意捐貲而壽諸梓噫斯舉也向之難見者不於兄而僅見之耶兄之懿德美行不可枚舉即此一節可槩生平故曰一孝立而百善從兄之謂矣由是而昭者昭穆者穆兄之孝也大宗不紊小宗不亂兄之孝也名字不重行第不錯兄之孝也婚嫁有稽葬卒可考兄之孝也兄之孝非大有功於曹氏者哉夔嘗有是志而苦於力不逮兄爲其難弟嘉其成故樂書之以俟來者云明萬曆二十四年孟夏月中浣愚弟夔一頓首拜識

五修曹氏宗譜序五

曹之姓自成周曹伯昉也夔之有曹自五閏司錄公光遠昉也協和之曹自司錄公十三世孫志昉也譜曹氏者則六世孫服創之踵是武者則十二世孫奕十八世孫校十九世孫熠八百年來寢昌寢熾即賢嗣繩繩二三君蓋潛培而默繫也哉隆慶己巳距今二紀有奇祖德淵深孫枝雲茂則譜之者二十一世曹君國藩也君負性任俠好持高節足跡遍天下信足武子長壯遊矣歸乃稱曰子長用之國

吾亦用之家遂編摩畢漏獨秉權衡矢心無係矢筆不苟起草於今上龍飛之丙申逾二歲而脫稿剗剗告竣徵馮生序馮生者馮一槐也豈君以爲嫻於文辭也哉即不嫻義固弗獲辭也按古者顓頊高陽猶上祖也而曹氏斷自司錄公以徵信此不賢於狄襄武耶然可以無譜可以無祀而不可以或忘也故系無據而文獻可徵因網羅臚列焉序曹氏宗源第一曠遑遑遜遜聽者不得而風聲文昭武穆方策煌煌列國陵夷數世猶講伯叔甥舅於流離顛沛中歷歷可舉也嗟乎服盡情盡遂至如途人倫理玷缺無過吾門此眉山氏所喟然而嘆也不以家乘萃其渙厥道安施故生育遷徙縷析條分至於婚姻子姓靡不謹嚴仲子安得爲夫人康子何緣以奪嫡爲人後者胡敢觀射於杏壇序曹氏世系第二精通經術砥礪行誼揚名顯親必綰通綸而奏仕籍是以冠履之分天地無逃朱紫纓紱稽古之榮序曹氏恩遇第三玉樹芝蘭何與人事乃悉欲其產於庭除棟梁宇宙柱石宗桃汗血名駒高嘶獨賞衰宗有寶越席耳提序曹氏宗行第四天不愛道爰著苞符既經既典亦史亦元聖聖傳心之典濟世之基也王生以之醉心韋相以之起家遠則廬陵畫地接斗山之響近則高隣藉草當休明之世蔚爲儒宗故公輔之器儲於博士弟子員也序曹氏文學第五丈夫百行習與性成閨房之秀貞順者其常也若問雲不雨茂葉先秋又其甚者無財以衛無子以天履影吊心之死靡他共姜誓堅金石伯姬輝映麟經序曹氏內則第六古者聚族而居地不給則遷徙業則遷擇善地則遷古者墓而不墳宣父東西南北人也於是乎修防墓乃江左著姓來自中原邱墓在荆辭封萬戶序曹氏里宅第七卜兆第八挾身而盡者年也身不得挾而盡

者言也。偃蹇三都，騰洛陽之紙價，渺茫外史，觀千金而不得遺編。散逸伊誰之愆？序曹氏著述第九，李供奉有言：「人韓荊州品題，輒稱佳士，蓋其直而當也。」結襪一吟，廷尉之光彩無窮。曹邱片言，守相之聲名大振。故上林寸楮，睹者稱祥；尺練華充，黃壤如生。序曹氏文徵第十，君曰：「俞哉！吾其梓哉！」作曹氏五修譜牒序，明萬曆二十六年正月，赤松馮一槐撰。

贈華峰君五修宗譜序六

國史家乘兩者，權無軒輊。昔人所謂非其人莫能修者，甚哉其難之也。余衰老家居，久謝緣擾。從子登以曹氏宗譜示余，且曰：「此曹之華峰筆也。」願賜一言，以垂不朽。余受而閱之，其中世系之遠，先德之昌，二三諸明公已言之詳矣。不佞復何容贅然竊有感焉？夫譜譜也，所以譜者人也。古今爲譜牒者，無慮數百家。獨歐蘇二譜，奕奕傳世，豈非譜以人重哉？華峰君生平懿行，不及悉窺，因其譜可以想見其人。蓋獨創寡和，自昔已然。衆口雌黃，賢者難色矧也。親同而事異，事同而予奪異，昭穆同而等級異，斯非可以漫無可否之見主裁其間者？而君無羣疑，無衆忌，舉族晏然，公評若一。此又難之難者也。華峰君以軒岐神術，薦拜軒冕，視彼勢位燠燠，堪以壓衆而緘之口者，自不同。非其公平之操，素洽宗盟正大之情，雅重月旦，疇克致是故吾婆之世家，代不乏譜。曹氏之家譜，代不乏修之之人。獨是譜一出，而曹氏長幼卑尊，罔不信若蓍蔡也者，此則人之所難，而君獨得之。將來可與歐蘇二譜並傳者，其在斯與？嗣後宗派愈衍，倫理愈明，兄弟藹棠棣之風，戚屬泯角弓之怨，蕩山悖族行，削其氏，衛燬滅邢，必斥其

名，又安有出繼如莒人之入鄆，洧宗如康子之奪嫡哉？婆之曹氏，竟與洛陽之張江州之陳先後標名青史矣。揆厥所繇，詎非宗譜修明者實貽之訓耶？華峰君所爲捐囊囊殫，心神慨然，不憚重修之者，意可無負已。噫嘻！曹氏之統緒雖明，得華峰而義益備。華峰之行雖卓，得斯譜而名益彰。余羨君高誼，行質諸縉紳先生輩，當必有以來當道賓筵之請也。敢附一言於簡末，以爲後日左券云。是爲序。明萬曆丁酉十月望日，鄉貢士直隸蘇州府吳縣儒學教諭泅城商紳頓首拜書。

五修協和曹氏宗譜世系序七

譜何以作？以不忘親而作也。以觀繼述以徵追遠，一源之流，可見衆派之所自出。萬殊之散，可知一本之所自來。世相授受，而垂祖功宗德於無窮。此之謂仁人孝子之用心也。協和曹氏世輯譜牒，隆是道矣。知此義者，其惟華峰君乎？君少事舉業，未遂既而奉例冠帶，允爲士林所尊重。今雖徙居湖菱新塘，實協和傑士也。一旦執輯成家乘命，僕序之僕得而詳玩焉。蓋自周文王之子曰振鐸者，封曹以國，爲氏自茲以還，代有偉人。至五季時，有楊州司錄公光遠，生太子洗馬曰俸，來自古鄆州。今東平遷居金華，爰居爰籍，爲曹氏之始祖。嗣是名豪俊英，不知凡幾。真實婆之巨室金華之首族也。故至今人材林立，尤稱盛焉。第世遠代隔，族廣枝藩，而名其行，其行字，其字者，不能無錯落紊亂之失。苟坐視不顧，孝子順孫，其能若是，恕乎華峰君有志於扶世誨教者也。乃惕然思，猛然省而尊祖報宗之心油然而興，獨加修葺，攷諸譜法，質諸譜義，殫精竭神，纖悉畢照，由是行第名